

Libanga 2



Incwadzi leNkhulu yetindzaba tabotwana

SISWATI



basic education

Department:
Basic Education
REPUBLIC OF SOUTH AFRICA

Incwadzi

2



Indlela yekusebentisa leNcwadzi leNkhulu:

Tindzaba kulencwadzi:



1 Akumhambeli kahle Duma kuleliviki



2 Kuvakasho umndeni

1

15

Njengathishela, utawudzinga kuhlela ulungisele kwenta umsebenti wekufundza ngekwabelana ekilasini lakho. Imvamisa nakwentiwa kufundza ngekwabelana, thishela usebenta nelikilasi lonkhe, kodvwa-ke, uma likilasi lakho lilikhulu kakhulu, kungaba ncono kutsi usebente ngelicembu noma incenye yelikilasi. Kufute kunakisiswe kucinisekiswe kutsi bantfwana bayakhona kuhlala ngendlela yekutsi babone iNcwadzi leNkhulu kute baatowukhona kufundza umbhlo.

Esifundvweni wekufundza ngekwabelana eNcwadzini leNkhulu umntfwana ufundza kutsi incwadzi ibanjwa njani, kubamba incwadzi ime ngemfanelo, kuphenya emakhasi ngemfanelo. Sifundvo sitfutfukisa imicondvo nchanti ngencwadzi – ikhava, lingembili, lingemuva nesihloko. Sifundvo sibuye sikhombise kutsi inkhambiso yekufundza iba njani kani simcoka ekutfutfukiseni emakhono ebantfwana ekulalela, kukhuluma, kufundza, kucabanga, kubuketa tintfo nekubhala njengetimfuneko letibekwe kumaCAPS teku:

- Cija emakhono ekulalela nekukhuluma.
- Cija emakhono ekufundza lasacatfuta.
- Phendvula imibuto ngendzaba.
- Tibandzakanya ekucocisaneni, kunketana tikhala kukhuluma.
- Dweba, kwefufula noma kwenta silingiso sendzaba.
- Sebentisa titfombe kucombelela kutsi indzaba ikuhuluma ngani.
- Sebentisa kufundza ngekwabelana njengesisekelo sekubhala ngekwabelana.

Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kuhava yangemuva.)
- Sebentisa irula noma lutsi lwekukhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemplingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacomelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwefufula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngekukhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawu ekhasini. Loku kutabasita futsi kutsi babone inkhambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwefufula ‘inkhulomo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gjima, gjima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kabilo katsatfu kunketa bafundzi litfuba kwenta imphindza yemagama latsite, kwenta silinganiso semsebenti noma kukuye bateke tincenye letitsite tendzaba ngemagama abo.

Umkhakha wesibili wekufundza ngekwabelana

- Kulomkhakha wesibili kusetjwentswa wona lowo mbhalo kodvwa-ke nyalo kunakisiswa kakhudlwana kutibsdzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulomo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondvonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlukene (lesilula-nje, kuphindze ahlelembise, kufananisa tintfo letihlobene, kubuyeketa nekuvisisa imibuto).

Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

1

Akumhambeli kahle Duma kuleliviki





Duma ubhekene neliviki lelimatima.

Uvuke emva kwesikhatsi

ngeMsombuluko. Ibhasi yesikolo

imshiyile wafika muva esikolweni.

“Kungani ufika muva kanje, Duma?”

kubuta thisela wakhe.



**"Kungani wephute
kangaka, Duma?"
kubuta thishela
wakhe.**

NgaLesibili waya esikolweni kodvwa
wakhohlwa sikhwama sesikolo ebhasini.
Nakefika eklasini, bekaphetse ibhola
yodvwa esandleni.

“Siphi sikhwama sakho, Duma?”
kubuta thisela wakhe.



**"Siphi sikhwama
sakho, Duma?"
kubuta thishela
wakhe.**

NgeLesitsatfu washeshe wavuka.
Wayitfolo ibhasi. Wahamba wahamba.
Hawu! Duma bekaqibele ibhasi
lengesiyo. Lebhasi yamyisa kulesinye
sikolo.

“Uphi Duma lamuhla?” kubuta
thisela.



NI SIKOLO
SEMANTFOMBATANA



“Uphi Duma
lamuhla?” kubuta
thisela.

NgeLesine Duma bekangayitfoli
inyifomu yakhe. Ngako-ke waya
esikolweni agcoke timphahla
tekubhukusha.

“Iphi inyifomu yakho, Duma?” kubuta
thisela wakhe.



**"Iphi inyifomu
yakho, Duma?"
kubuta thisela
wakhe.**

NgeLesihlanu Duma wavuka
ngeluvivi. Wefika esikolweni
kusemnyama. Bekakhatsele kakhulu
walala eklasini.

“Yini ulale eklasini, Duma?” kubuta
thisela wakhe.




"Yini ulale eklasini,
Duma?" kubuta
thisela wakhe.

NgeMgcibelo Duma waya
esikolweni kodvwa emasango esikolo
bekavaliwe.

Nebakitsi Duma! Kute sikolo
ngeMgcibelo.



Nebakitsi Duma! Kute sikolo
ngeMgcibelo.



NgeLisontfo, Duma waya edzilini
lemzala wakhe lekutalwa. Wajabula
kakhulu wagileka wawela etu
kwelikhhekhe.

“Eyi kwangiphindza!” kucabanga
Duma. “Ngiyetsema liviki lelitako
litaba ncono.”

2

Kuvakasha umndeni




Make waDumi uyagula. Bongi
nenina batamvakashela. Bongi
ujabule kakhulu kuvakashela umzala
wakhe Dumi.

Bapakisha timphahla. Bongi
ulungisa sipho latasinika Dumi.

Wenta nelikhadi lekufisela make
waDumi kwelulama. Batawuhlala
tinsuku letimbili kuphela.





Itekisi yabo itawuhamba
ebusuku. Itawukhanyisa kantsi
nenyeti itabe ikhona. Kusasa

boDumi naBongi batawudlala
nebantfwana emfuleni.

Dumi phela utsandza bantfwana.

Batakukha netitselo
ngasemfuleni.

Yate yefika itekisi
ekhaboDumi. Bekulihora
lesi-8 enhloko. "Sate
sefika," kusho Bongi, washo
avula bangena.

Wajabula Bongi kubona
umzala wakhe. "Sawubona,
Dumi", kumemeta Bongi.

"Wota sijomwubona buhlalu
bemacoco emfuleni,"
kumemeta Dumi.

"Cha cha!" kusho make
waDumi, "Hhalani phansi
nobabili nidle kucala."

"Ngifuna kugibela kulendlu
lesasihlahla epaki,"
kusamemeta yena Bongi.



"Cha, awukwati kugibela esihlahleni ngalesikhatsi. Hlalani phansi nje, nidle sinkhwa," kusho unina.



Bekumnandzi ekhaboDumi.
Dumi ungiphe sipho lesihle.
Ungiphe mdoli welibhele.
Unesikhumba lesifotjotelako.





Sibuyele ekhaya ngetekisi.
Litulu lacala lana sisendleleni.
Kube sengatsi lilanga lishonile
kwabandza mpo. Make wangembatsisa
ngengubo ngafutfumala.



Siphume ngemvula etekisini
sayowungena esangweni ekhaya.
Ngitjele make kutsi angimboni mdoli.

Akekho. Bengitsi wehlile etekisini.
Ngavele ngakhala. Bengikhalela
kuyomfuna etekisini.
Kodvwa samtfola agocotelwe
ngengubo. Bekaphophile.





Wemukelekile kuloluchunge lwetinewadzi letinikhulu. Loluchunge lweNcwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfola tilusito lolukhulu letinhlobonhlobo tetindzaba letikuletiNcwadzi letinikhulu letisiphohlongo talesigaba, neafundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwulungele lona mgomo.

Kodvwa-ke, kufundza ngekwabelana usebentisa iNcwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNcwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetinewadzi letinikhulu yenta kuhonakale kufundza uphimisele kuve bantfwana labanyentana ngasikhatsi sinye endzaweni lekhululekile lete umoya wekxesabisa.


TiNcwadzi letinikhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele lwtiso nemibhalo leyimidvwebo.

Kungumsebenti wakho, njengathishela kwenta tindzaba tiphe kubantfwana ubuye wakhe simo lesinenjabulo nenhabunkhabu. Kusebentisa tiNcwadzi letinikhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

Lamanye emasu ekusebentisa iNcwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNcwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

ISBN 978-1-4315-2950-6



ISBN 978-1-4315-2950-6

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Yakha yakakho insika yeNcwadzi leNkhulu

Utawudzinga:

- Likhadibhodi lelibanti ngekulingana neNcwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhosana
- Timbili tifasa-phepha noma emaphekisi kubamba ikhadibhodi ingaphakami.

Sebentisa lethephu lenkhulu kuhlanganisa tincenye tekhadibhodi.

Goba ikhadibhodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulomdvwebo ngentasi.

